



第二篇

第一章

第一節

金瘡總論

刀槍劍戟之傷者。或刺傷。或斫傷。統而名之曰金瘡。其傷者。首當審其所傷之脈穴部位。次察其傷口深淺濶窄。及有無亡血。更因其體之強弱而施治之。按其所傷之處。乃至命之部。又值時行脉穴之期。似無可治。倘亡血過多。或破傷風。亦屬危險。但無上項各情。即傷重亦無妨礙。蓋金瘡之主徵。爲出血疼痛兩途。茲分別論之。疼痛以個人性質。受傷部位。及受傷種類有異。若強壯者。雖受廣大之傷。亦無甚痛苦。若在纖弱者。即針刺之微。已有痛不能忍之狀。至於受傷之部位。亦與疼痛之劇否有關。如在手指、唇、鼻、外陰部。等處。疼痛特甚。至出血爲金瘡主要之候。有噴射如箭。有勢若湧泉。有勢流稍緩。其若箭射者。乃傷動脉。止之

稍難。宜內服却血之劑。外敷止血之藥。而壓迫之。乃可止也。如湧泉者。止之稍易。係傷靜脈。如勢流稍緩。乃傷毛細管。止之更易。卽以止血藥敷壓之自止。但無論傷及動脈。靜脈。毛細管。宜速止之。否則定有性命之虞。若亡血過多。繼見皮色青白。四肢厥冷。眩暈耳鳴。惡心嘔吐。呼吸困難。瞳人散大。小便失禁。全身如被針刺。手足拘急者不治。身體素弱者。當補氣。鬱怒者當平肝。煩渴昏瞶者當補脾。筋攣拘攣者當養肝血。若投藥不應。當用地黃湯以滋腎水。忌用破血傷筋之品。食品宜擇易消化者。不可過飲漿水稀粥。及食太鹹。并酸辛糟臘之物。犯之則血動溢。生命不保。若喜怒憂愁。大言狂笑。暴躁勞碌。與及房勞。露口當風等事。切宜忌之。治療之法。當分疼痛。流血。破傷風。破骨斷折。破口太潤。與及槍。刀。針。錐。玻璃。竹木片。稜形尖端。荊棘之穿刺。各症分別治之。

止血散

(見上卷急救止血門)

却血止流丹

(見上驗方補遺)

第二節

金瘡疼痛治法

疼痛者。身有所苦楚。而不能忍者也。蓋金瘡之痛。驟然受傷。始則知覺已失。只見麻痺。不知痛楚。稍頃則知覺回復。痛楚難當。卽以止痛還魂丹服之。其痛立止。倘無別症相兼。自無痛楚之累。倘有別症相兼。藥氣一消。仍然痛楚。尤當分其虛實而治。仍施以止痛還魂丹以治其標。再按虛實以治其本。大抵疼痛之症。拒按者爲實。喜按者爲虛。喜寒者多實。受熱者多虛。飽則甚者多實。飢則甚者多虛。脈實氣粗者多實。脈虛氣少者多虛。新病年壯者多實。久病年衰者多虛。補而不效者多實。攻而愈劇者多虛。痛在經者脈多弦。大痛在臟者脈多沉微。表虛而痛者陽不足也。非溫經不可。裏虛而痛者陰不足也。非養營不可。上虛而痛者心脾傷也。非補中不可。下虛而痛者肝腎敗也。非溫命門不可。若泥痛無補法。或堅守通則不痛。痛隨利減之說。而不問病情之虛實。則鮮有不殺人者矣。凡痛家不可貪厚味與

肉。食之大能助火。而痛愈甚矣。

止痛還魂丹（見上卷急救門）

第三節

金瘡流血治法

血也者。乃人身之精汗也。（靈樞決氣篇）。中焦受氣取汁。變化而赤。是謂血。（本藏篇）。血和則經脉流行。營覆陰陽。筋骨勁強。關節清利矣。（素問）。諸血者皆屬於心。按血爲人體流質之一種。灌經脉之中。營養身體各部。且能排泄廢物之液體。其色鮮紅或暗赤。比水濃重有臭氣。味鹹。性能凝結。在血管及心臟中周流全身。謂之血液循環。稍滯即凝結成瘀。內部傷則溢。外部傷則流。然流血之症。其抵抗之力各有不同。有雖遇大出血。而二三日即能恢復者。有出血無多。而致虛脫者。大抵初生小兒即出血甚少。亦甚危險。若強壯者失血過原有之半量。亦

難保生命。治療之法。以速爲妙。庶免有亡血傷風之患。無論傷口深淺闊窄。血流如箭。或若湧泉。或流勢稍緩。均照上卷止血法止之。并服却血止流丹。如亡血過多。不可專攻瘀血。宜八珍湯。或獨參湯。傷處宜鐵扇散。天下第一金瘡藥。金傷散。桃花散。如聖金刀散。均可酌用。俟其血止。翌日換藥。卽以八寶香藥膏。或拔毒生肌膏貼之。毒去肌生。自然全愈矣。

却血止流丹（見上驗方補遺）

鐵扇散

全生集方（功用）治金瘡跌打損傷

象皮

（切薄片用小鍋焙黃使之乾勿令焦）五兩

生龍骨五兩（上白者）

老

材香

（卽棺材曾入地者之桐油灰。如無以數百年之舊石灰。或舊船底之桐油灰亦可。）

寸栢香

松香

（同寸栢香同化。打勻傾水中。候冷取出）

白礬

（入鍋蒸透）各十兩共研細末。遇受傷出血如注。摻藥急扇。血凝結痂無痕。惟切不

可坐臥煖地。夏宜涼處。冬忌火爐。傷處如腫。單用黃連水鷄翎蘸擦。倘不流血。可不用扇。自然全愈也。

天下第一金瘡藥

程山驗方(功用)治跌打損傷。金瘡流血

等症。

雄猪油二十兩

黃蜡六兩

松香六兩

乳香兩

沒藥兩

上

血杰兩

兒茶兩

銀粉(炒篩)四兩

樟腦六兩後下

大梅片兩後

下 川射香

錢(後下)研極細末。先將猪油松香黃蜡熬化。瀘去渣。待溫加各藥

末攪勻至凍。加樟腦，冰片，射香，再攪勻。收貯勿洩氣。敷傷處。即止痛止血。

更不作膿。

金傷散

證治準繩方(功用)治金瘡出血不止

白芨

白蘞

乳香各五兩

陳石灰四十兩

龍骨二兩半

黃

丹二兩 研爲細末。乾摻患處。

桃花散

驗方（功用）治惡瘡金瘡。祛風生肌活血

烏魚骨

虎骨

龍骨

各二兩

寒水石十六兩（煨）

白石脂

赤石脂

白欬

各兩

黃丹一兩

白皮一兩

研細末。乾摻患處。

如聖金刀散

醫宗金鑑方（功用）治金瘡出血不止

松香十四兩

生白礬

枯白礬各三兩

研極細末摻患處

八寶香藥膏

自製方（功用）治金瘡及跌撲傷損。祛風活血。

散瘀止痛生肌。

大田七四兩

原兒茶四兩

上血杰四兩

的乳香四兩

上沒

藥四兩

沙朶十二兩

安息香八兩

松香八兩

結黃蠟四兩

結白蠟四兩

樟腦十六兩

猪油三斤

將各藥研極細末。先將猪油與黃

白蠟融化。收火將各藥篩入攪勻。至微煖入樟腦再攪至凍。去火氣。用紗紙開貼患處。

拔毒生肌膏

自製方（功用）統治跌打損傷。瘡疽已潰。金瘡等症。凡有損皮爛肉者。均可治之。

木鱉子肉廿斤

草薢子三斤

歸尾二斤

北杏五斤

錦大黃

二斤

大田七比二斤

苦參八兩

沒藥二斤

川黃連斤

沙羌

一斤

瓜子菜二斤（生草藥）

黑芝麻廿四斤

先將各藥鍛碎。入芝麻油

浸一宿。先文後武火。煎至渣枯。隔去渣。再煎至滴水成珠。收火加入後藥末攪勻。傾入瓦盆攪至凍。用冷水浸之。每日換水一次。至少隔年可用。

後下藥末

陀僧

四斤

安息香

八斤

龍骨

斤

的乳香

四斤

松香

四斤

頂大田

七八兩

上血珀

斤

蘆甘石

斤半(醋製七次)

上血杰

斤

共研極細末。俟藥油熬至滴水成珠時。收火留炭。將各藥末篩入攪勻。至凍爲止。

第四節

金瘡破傷風治法

破傷風者。乃風邪侵入身體之破損處也。此症原因有三。一由卒然斫破皮肉。風邪驟襲而致。一由創口未合。爲空氣侵入而致。一由積熱在內。創口閉塞。氣難通泄。鬱內成風。傳播經絡而發。雖其原因不同。然皆由血衰不能養筋所至。故風邪得而乘之。多見寒熱間作。甚則口噤目斜。身體強直。角弓反張。危在旦夕。治法與傷寒無異。太陽在表者汗之。陽明在裏者下之。少陽在表裏之半者和解之。(已上

所言者只曰三陽。而不及三陰者。意謂風邪在三陽之經。便當按法早治。若待傳入三陰。則症危矣。

按金瘡破傷風之症多死。乃最危之症也。始因亡血過多。空氣從傷口侵入。或傷口早閉。瘀血停滯於內。血受病而屬陰。始雖在表。隨易傳臟。故此所傷。必多難治。其症之危。非尋常之藥可治。非重用全蝎不救。其傳經雖與傷寒無異。其勢較傷寒尤劇。但可用疏表之法。而不可峻用風藥。以其經中之血先已受傷。所謂奪血者無汗是也。普通宜用保安萬靈丹治之。

保安萬靈丹

外科正宗方(功用)治破傷風。口眼歪斜。半身

不遂。牙關緊閉。

茅山蒼朮

八兩

麻黃

薑活

芥穗

防風

細辛

川烏

草

烏

(二烏湯泡去皮)

金釵斛

當歸

甘草

(炙)

全蝎

天麻

首烏

(忌鐵)各兩

雄黃精

六錢

共研幼末。煉蜜爲丸。每重三錢。正硃砂

六錢飛幼爲衣。無汗者。用連鬚葱白九枝。煎湯開服。有汗者。用熟酒開服。當避風。戒生冷及性交。氣弱及素多痰火。有孕婦人。臨經女子。俱忌服。

第五節

△金瘡破傷風太陽症治法

太陽之症屬表。○（脉息）浮而無力。○（症狀）身熱足寒。○項強頭搖口噤。○背反張而搐。○屬太陽經。○無汗則急汗之。○宜防風湯。○小蜈蚣散。○羌活防風湯。○小續命湯。○九味羌活湯之屬。○若本有汗。○或汗多。○宜止之。○用白朮湯。○白朮防風湯之屬治之。

△防風湯

驗方（功用）治破傷風。○太陽表症。○未傳入裏者。

防風

羌活 獨活 川芎

各等分。○研粗末。○每服五錢。○清水煎調

小蜈蚣散二分服大效

小蜈蚣散

沈氏尊生方(功用)治口噤身張、不省人事。

金頭蜈蚣 一條(炒)

全蝎 二枚(泡淡炒) 共研細末。擦牙或吹入鼻中。

羌活防風湯

保告集方(功用)治破傷風。脉浮弦在表者

羌活

防風

川芎

藁本

當歸

白芍

甘草

各四兩

地榆

細辛

各二兩

研粗末。每服五錢。清水二盞。煎八分。熱服。量症加

減用之。熱盛加大黃黃連各二兩。大便秘加大黃兩。自汗加防風白朮各五錢。

小續命湯

千金方(功用)治中風不省人事。喎斜癱瘓。麻木眩

暈角弓反張。痞啞厥冷。風痺脚氣等症。

桂枝

甘草

(炙)

麻黃

(去根節泡)

杏仁

(去皮尖炒研)

白芍

(酒洗)

川芎

防風

人參

黃芩

各錢半

防杞

二錢(酒洗)

大附子七分（泡去皮臍）

除附子杏仁外。搗爲粗末。後入二味和勻。分二劑。

清水一杯半。加老生薑五片。大棗一枚。煎一杯去渣。食前溫服。

九味羌活湯

六科準繩方（功用）通治六經感冒風邪

羌活錢半

防風

蒼朮（米汁泡去皮炒）

細辛五分

川芎 白

芷

生地

黃芩各八分

甘草（炙）六分

加生羌三片。大棗二枚。葱

白二莖。清水煎溫服。

白朮湯

驗方（功用）治破傷風。汗不止。筋攣搐搦。

白朮

葛根

升麻

黃芩

白芍各二兩

甘草二錢半

研粗末每服五錢清水煎去渣。不拘時溫服。

又方

驗方（功用）同上

白朮四兩（分作四分）

一兩同黃耆炒

一兩同石斛炒

一兩同牡蠣炒

一兩同麩皮炒

各味以炒黃爲度。去同炒藥。用白朮研爲末。每服三錢。粟米煎湯調下。盡四兩爲度。

白朮防風湯

證治準繩方（功用）治傷寒服藥過多自汗者

白朮

防風

黃耆

研粗末。每服五六錢。清水煎去渣溫服。

便秘加大黃下之。

第六節

金瘡破傷風陽明症治法

陽明之症屬裏（脉息）長而有力。（症狀）頭低下視。手足牽引。肘膝相搖而身前搖者。屬陽明經。急下之。宜左龍丸。小芎黃湯。大芎黃湯等屬治之。

左龍丸

證治準繩方(功用)治破傷風。牙關緊閉。目直視

左盤龍(微炒)

白殭蠶(炒)

江鰮膠(蛤粉炒)各五錢

雄黃精錢

(水飛淨)研極細末。飯糊爲丸。如梧桐子大。每服十五丸。溫酒送下。一日三次。如證重不已。每藥錢。飯糊中加入巴豆霜五釐。每服中加一丸。如此漸加至十丸。以利爲度。

江鰮丸

沈氏尊生方(功用)同上

左盤龍

魚鰮(燒)

殭蠶各五錢

天麻二錢

雄黃精錢(飛淨)

金頭蜈蚣二條

研爲末。分三帖。先將二帖米飯爲丸。如梧桐子大。硃砂爲

衣。餘一帖加巴豆霜五分。米飯爲丸。如梧桐子大。每用硃衣丸二十丸。巴豆一丸。第二服加二丸。溫酒送下。至便利爲度。只服硃砂衣丸自愈。

小芎黃湯

醫宗金鑑(功用)治破傷風。發表之後。表熱不止者。

川芎三錢

黃芩二錢

生甘草五分

清水煎。溫服二三劑。後再服大

芎黃湯。

大芎黃湯

六科準繩方（功用）治破傷風之邪在半表半裏。自汗

不止。二便秘赤。宜疏導之。

川芎錢

羌活

黃芩

大黃各二錢

清水煎溫服。以微利爲度

第七節

金瘡破傷風少陽症治法

少陽之症屬表裏之半。（脉息）浮而弦。（症狀）。或左右一目視。或左右一手一足搖擲者。屬少陽經。急和解之。宜羌麻湯。防風通聖散。羌活湯。地榆防風散。小柴胡湯。之屬治之。

羌麻湯

自製方（功用）治破傷風之邪。在半表半裏無汗者。